



Taighdeoir/Anailísí

Is comhlacht rialtais í an Ghníomhaireacht Tithíochta atá ag obair leis an Roinn Tithíochta, Rialtais Áitiúil agus Oidhreacht, le hÚdaráis Áitiúla agus le Comhlachtaí Tithíochta Ceadaithe (CTCanna) chun tithe agus seirbhísí tithíochta a chur ar fáil.

Is í fíis na Gníomhaireachta Tithíochta tithe a sholáthar dóibh siúd a bhfuil gá acu leo. Déanann sí é sin trí léargais agus sonraí bunaithe ar fhianaise maidir le tithíocht a sholáthar, lena ndéantar smaointeoireacht agus ceapadh beartas a threorú; trí obair a dhéanamh le daoine eile chun soláthar réiteach maidir le tithíocht a chumasú agus chun cláir agus gníomhartha i mbeartas tithíochta an Rialtais a chur i bhfeidhm; agus tríd an inniúlacht a thabhairt di féin agus dá páirtithe leasmhara a theastaíonn chun aghaidh a thabhairt go tapa agus go héifeachtach ar dhúshláin sa chóras tithíochta.

Baineann trí théama leathana le hobair na Gníomhaireachta Tithíochta maidir le tithíocht inbhuanaithe inacmhainne a chur ar fáil do chách, agus bíonn an bhéim leanúnach a chuirimid ar bharrfheabhas san Eagraíocht ina cuidiú leis an méid sin a chur i gcrích. Is iad seo leanas na trí théama sin:

- Bheith mar lárionad maidir le heolas tithíochta
- Dul i ngleic le Soláthar agus Inacmhainneacht Tithíochta
- Tacú le Pobail Inbhuanaithe agus Ionchuimsitheacha a Fhorbairt.

Cuirimid réimse leathan seirbhísí ar fáil, lena n-áirítear:

- Cúnamh a thabhairt d'údaráis áitiúla maidir le gnéithe uile na feidhme tithíochta dá gcuid
- Tacaíocht a thabhairt do thionscnaimh tithíochta inacmhainne, lena n-áirítear scéimeanna um chíos de réir costais agus scéimeanna ceannaigh inacmhainne
- Tithe a aimsiú agus réadmhaoin a fhoinsiú le haghaidh tithíocht shóisialta
- An Ciste Croí Cónaithe a bhainistiú
- Comhairle theicniúil agus tacaíochtaí teicniúla d'údaráis áitiúla agus do Chomhlachtaí Tithíochta Ceadaithe (CTCanna) maidir le tógáil caipitil agus tionscadail athfheistithe agus soláthar
- Measúnuithe airgeadais ar iarratais ar mhaoiniú CTC
- An tionscnamh Tús Áite do Thithíocht a chomhordú
- Morgáiste go Cíos
- Taighde, anailís airgeadais agus comhairle maidir le beartas
- Na Scéimeanna um Leasúchán Piríte agus Bloic Choincréite Fhabhtacha
- Forbairt agus bainistíocht talún
- Frithghealladh lasachta
- Oiliúint agus faisnéis do chleachtóirí tithíochta

- An Straitéis Tithíochta Náisiúnta do Dhaoine faoi Mhíchumas/Dul i ngleic le hIonchuimsiú Sóisialta

Tá tuilleadh faisnéise faoin nGníomhaireacht Tithíochta ar fáil ag www.housingagency.ie

Tá an Gníomhaireacht Tithíochta ag glacadh le hiarratais faoi láthair ar phost buan mar **Anailísí Taighde**. Tá an post seo bunaithe inár n-oifigí i mBaile Átha Cliath 2. Tá Beartas Oibre Cumaisc á oibriú ag an nGníomhaireacht Tithíochta.

Glactar leis go mbeidh an té a cheapfar ina b(h)all foirne a mbeidh baint ghníomhach aige/aici le forbairt fhoriomlán na Gníomhaireachta Tithíochta, a chuirfidh beartais na Gníomhaireachta Tithíochta chun cinn i gcónaí agus a chloífidh le luachanna na Gníomhaireachta Tithíochta: <https://www.housingagency.ie/publications/strategy-annual-report>.

Values



The values of the Housing Agency set the standard for the way we work with our colleagues and our stakeholders. In this strategic period, we will continue to embed our values throughout the organisation to guide and inform everything we do.

We will place a particular focus on internal and external collaboration. We have placed people at the centre of everything we do to highlight the importance of our staff, our stakeholders, and the people we are working to support with housing needs.

Dualgais agus Freagrachtaí

- Sonraí tánaisteacha a thiomsú maidir le tithíocht agus anailís a dhéanamh.
- Sonraí tithíochta a chur i láthair agus a chur in iúl go soiléir chun cuidiú le treochtaí atá ag teacht chun cinn a thuiscint.
- Staidéir thaighde agus measúnachtaí a chur i bhfeidhm agus na torthaí orthu a scríobh amach maidir le cúrsaí tithíochta de réir mar a shannfaidh an Ceannasaí Taighde
- Cúnamh a thabhairt maidir le soláthar taighde.
- Maoirseacht a dhéanamh ar thionscadail taighde ar bith a dhéanann eagraíochtaí seachtracha nó daoine aonair atá ar conradh leis an nGníomhaireacht Tithíochta, ag cinntiú go gcuirtear i gcrích iad go rathúil
- Idirchaidreamh a dhéanamh le soláthraithe seirbhísí seachtracha de réir mar is gá.
- Cúnamh a thabhairt le comhairle beartais a tháirgeadh don Roinn Tithíochta, Rialtais Áitiúil agus Oidhreachta, de réir mar a iarrtar.
- Torthaí an taighde agus impleachtaí beartais an taighde sin a chur chun cinn i measc spriocghrúpaí.
- Cúnamh a thabhairt le treoirilínte dea-chleachtais a sholáthar do chleachtóirí tithíochta.
- Feidhmeanna sainiúla eile ar bith a chur chun feidhme de réir mar a bheadh gá leo ó am go ham.

Cáilíochtaí agus Taithí.

- Cáilíocht tríú leibhéal iomchuí, go hidéalach ar Leibhéal Máistreachta, i ndisciplín ábhartha amhail: beartas sóisialta, socheolaíocht, staidreamh, anailísíocht sonraí, tíreolaíocht, planáil uirbeach agus réigiúnach nó eacnamaíocht
- Ba cheart go mbeadh taithí leathan ar thaighde ag iarrthóirí, agus ba cheart go mbeadh siad oile ar mhodheolaíochtaí cáilíochtúla agus cainníochtúla araon.
- Ní mór ná go bhfuil tionscadal taighde neamhspleách curtha chun feidhme go rathúil ag iarrthóirí.

Scileanna agus Inniúlachtaí

- **Anailísiú agus Cinnteoireacht** - Taithí chruthaithe ar raon modheolaíochtaí taighde a úsáid de réir mar is cuí; taispeántar scileanna láidre anailíseacha agus léirmhínithe sonraí.
- **Bainistíocht Tionscadail** - bainistíonn an t-iarrthóir raon tionscadal éagsúil agus gníomhaíochtaí oibre éagsúla ag an am céanna ag cinntiú go gcomhlíontar spriocdhátaí agus go gcloítear le buiséid.
- **Treallús agus Tiomantas** - déanann an t-iarrthóir a d(h)ícheall chun feidhmiú ar ardleibhéal, tá sé/sí dírithe ar chustaiméirí agus coimeádann sé/sí ardchaighdeáin ionracais, macántachta agus eitice.
- **Scileanna Cumarsáide** – is féidir leis an iarrthóir torthaí a achoimriú, a dhoiciméadú, a thuairisciú agus a chur i láthair ar bhealach soiléir do spriocluchtanna éagsúla.

- **Saineolas** - eolas ar thithíocht, ar easpa dídine agus ar bheartas sóisialta gaolmhar, ar TF agus ar úsáid pacáistí staitistiúla, anailísithe sonraí agus amharcléirithe (e.g. SPSS, Nvivo, Tableau, Excel).

Scála Tuarastail – OII III

€39,474 - €41,996 - €42,670 - €46,036 - €49,413 - €52,824 - €56,392 - €58,645 - €60,908
 - €63,191 - €65,460 - €67,736 - €70,011 - €72,279 - €74,567

BFS 1 €77,094

BFS 2 €79,618

Ceapfar iontrálaithe nua ar an gcéad phointe den scála ar aon dul le beartas an rialtais.

D'fhéadfadh téarmaí agus coinníollacha éagsúla a bheith infheidhme más státseirbhíseach/seirbhíseach poiblí ar seirbhís thú, go díreach roimh an gceapachán.

Incháilitheacht chun dul in iomaíocht:

Ba cheart d'iarrthóirí a thabhairt faoi deara go bhfuil incháilitheacht chun dul in iomaíocht ar fáil do shaoránaigh an Limistéir Eorpaigh Eacnamaíoch (LEE). Áirítear Ballstáit an Aontais Eorpaigh mar chuid den LEE chomh maith leis an Íoslainn, Lichtinstéin agus an Iorua. D'fhéadfadh saoránaigh de chuid na hEilvéise a bheith san áireamh chomh maith faoi chomhaontuithe an AE. Is gá go mbeadh iarratasóirí mar shaoránaigh de chuid an LEE faoin dáta a bhaineann le tairiscint poist ar bith chun go gcáileoidís. Ní mór d'iarrthóirí incháilithe bheith i gceann de na catagóirí seo a leanas:

- a) Saoránach den Limistéar Eorpach Eacnamaíoch. Áirítear Ballstáit an Aontais Eorpaigh mar chuid den LEE chomh maith leis an Íoslainn, Lichtinstéin agus an Iorua; nó
- b) Saoránach den Ríocht Aontaithe (RA); nó
- c) Saoránach na hEilvéise de bhun an chomhaontaithe idir an AE agus an Eilvéis ar shaorghluaiseacht daoine; nó
- d) Saoránach neamh-LEE atá mar chéile nó mar leanbh ag saoránach LEE nó saoránach na hEilvéise ag a bhfuil víosa stampa 4; nó
- e) Duine dár tugadh cosaint idirnáisiúnta faoin Acht um Chosaint Idirnáisiúnta 2015 nó ball teaghlaigh ar bith atá i dteideal fanacht sa Stát mar thoradh ar athaontú teaghlaigh ag a bhfuil víosa stampa 4; nó
- f) Saoránach neamh-AE atá mar thuismitheoir ag leanbh cleithiúnach atá mar shaoránach de bhallstát LEE nó den Eilvéis, agus atá ina gcónaí ann, agus a bhfuil víosa stampa 4 acu.

An dáta deiridh le haghaidh Iarratais a Fháil – Déardaoin an 21 Samhain 2025 ag 12.00 meán lae

Nós Imeachta an Iarratais

- Ní mór gach cuid den fhoirm iarratais a chomhlánú, ní bhreithneofar iarratais neamhiomlána le haghaidh gearrliostaithe.

- Ba cheart iarratais a chlóschríobh agus a chur isteach i bhformáid PDF chuig recruitment@housingagency.ie.
- Ní ghlacfar le hiarratais i gcúinse ar bith tar éis an dáta deiridh agus na huaire deiridh.
- Dícháileofar iarrthóirí go huathoibríoch má dhéanann siad canbhasáil nó má dhéantar canbhasáil ar a son.
- Ní mór gach eolas a chuireann tú ar fáil a bheith ar an bhfoirm iarratais fhoirmiúil. Níor cheart faisnéis bhreise amhail do CV, teistiméireachtaí, agus teastais a chur i gceangal leis an bhfoirm iarratais seo,

Dá ndéanfadh an duine a mholtar do cheapachán an post a dhiúltú nó dá n-éireodh sé/sí as an bpost tar éis dó/di é a ghlacadh nó dá dtiocfadh aon fholúntas breise chun cinn, d'fheadfadh an Ghníomhaireacht, faoina rogha féin, duine eile a roghnú agus a mholadh do cheapachán bunaithe ar thorthaí an phróisis roghnúcháin.